



Broj: 01-03-26-004-8-II/10
Sarajevo, 14.06.2010. godine

Na temelju članka 32. stavka (1) i (2) Zakona o konkurenciji («Službeni glasnik BiH», broj 48/05, 76/07 i 80/09) i članka 210. Zakona o upravnom postupku ("Službeni glasnik BiH", br. 29/02, 44/02, 12/04 i 88/07) a po zahtjevu gospodarskih subjekata KOMUNALIJE HRGOVČIĆ d.o.o. Brčko distrikt, d.o.o. ĆEHAJIĆ Brčko distrikt, OBNOVA B d.o.o. Brčko distrikt, GRADSKA ČISTOĆA d.o.o. Brčko distrikt i d.o.o. INTERMONT Brčko distrikt, Bosna i Hercegovina podnesenom dana 22.02.2010. godine za pokretanje postupka protiv J.P. KOMUNALNO BRČKO d.o.o. Brčko distrikt, Bosna i Hercegovina radi povrede članka 4. stavka (1) Zakona o konkurenciji, Konkurencijsko vijeće na 106. (stotinušestoj) sjednici održanoj 14.06.2010. godine, je donijelo

ZAKLJUČAK **o pokretanju postupka**

1. Pokreće se postupak po zahtjevu godpodarskih subjekata KOMUNALIJE HRGOVČIĆ d.o.o. Brčko distrikt, d.o.o. ĆEHAJIĆ Brčko distrikt, OBNOVA B d.o.o. Brčko distrikt, GRADSKA ČISTOĆA d.o.o. Brčko distrikt i d.o.o. INTERMONT Brčko distrikt, Bosna i Hercegovina podnesenom dana 22.02.2010. godine protiv J.P. KOMUNALNO BRČKO d.o.o. Brčko distrikt, Bosna i Hercegovina radi utvrđivanja zabranjenog konkurencijskog djelovanja iz članka 4. stavka (1) Zakona o konkurenciji.
2. Postupak će se provesti u skladu sa Zakonom o konkurenciji i podzakonskim aktima koji reguliraju oblast tržišne konkurencije i drugim relevantnim propisima.
3. Stranke u ovom postupku dužne su na zahtjev Konkurencijskog vijeća dostaviti svu relevantnu dokumentaciju vezanu za ovaj predmet.

O b r a z l o ž e n j e

Konkurencijsko vijeće je dana 22.02.2010. godine, u smislu članka 28. Zakona o konkurenciji (u daljnjem tekstu: Zakon), zaprimilo Zahtjev za pokretanje postupka godpodarskih subjekata KOMUNALIJE HRGOVČIĆ d.o.o. Brčko distrikt, d.o.o. ĆEHAJIĆ Brčko distrikt, OBNOVA B d.o.o. Brčko distrikt, GRADSKA ČISTOĆA d.o.o. Brčko distrikt i d.o.o. INTERMONT Brčko distrikt, Bosna i Hercegovina (u daljnjem tekstu: Podnositelju zahtjeva) pod brojem 01-03-26-004-II/10 u kojem je zahtjevano od Konkurencijskog vijeća da pokrene postupak protiv J.P. KOMUNALNO BRČKO d.o.o. Brčko distrikt, Bosna i Hercegovina (u daljnjem tekstu: J.P. KOMUNALNO) radi utvrđivanja zabranjenog konkurencijskog djelovanja iz članka 4. stavka (1) Zakona.

Uvidom u dostavljeni Zahtjev Konkurencijsko vijeće je utvrdilo da isti nije kompletan u smislu članka 28. Zakona i članka 2 tarifni broj 106. stavka (1) točka e) Odluke o visini administrativnih pristojbi u vezi sa procesnim radnjama pred Konkurencijskim vijećem ("Službeni glasnik BiH", broj 30/06) te je

u skladu sa člankom 31. Zakona zatražilo dopunu zahtjeva dana 09.03.2010.godine aktom broj: 01-03-26-004-2-II/2010.

Podnositelju zahtjeva su postupili po zahtjevu Konkurencijskog vijeća i dokaz o uplati pristojbe dostavili Konkurencijskom vijeću dana 26.03.2010.godine aktom broj: 01-03-26-004-3-II/2010, te dostavili dopunu zahtjeva dana 26.04. 2010. godine aktom broj: 01-03-26-004-5-II/10, nakon čega je Konkurencijsko vijeće utvrdilo da je isti kompletan i uredan u smislu članka 28. stavka (1) Zakona, te je Podnositeljima zahtjeva u smislu članka 28. stavka 3. Zakona, izdalo potvrdu dana 14.06.2010.godine, broj: 01-03-26-004-6-II /10 o prijemu kompletnog i urednog Zahtjeva.

Podnositelji zahtjeva u Zahtjevu navode da imaju registrovane šifre djelatnosti za poslove komunalnih usluga sakupljanja, utovara i prevoza čvrstog otpada od građana, pravnih osoba i proračunskih korisnika na prostoru Brčko distrikta Bosna i Hercegovina i da su punih 6 godina kao najpovoljniji ponuđači, sa specijalnim vozilima, vršili predmetne komunalne usluge, kao i da su sudjelovali na 11 sprovedenih postupaka javnih nabavki od strane Vlade Brčko distrikta.

Da je 2008. godine Skupština Brčko distrikta utemeljila novo proizvođače J.P. KOMUNALNO i da novo poduzeće od momenta registracije mimo procedura javnih nabavki obavlja sve komunalne poslove koji su do tada bili predmet javnih nabavki i za koje je Vlada Brčko distrikta u prethodnom periodu 11 puta sprovodila postupke javnih nabavki.

Da se stavlja akcenat osobito na usluge sakupljanja i odvoza otpada-smeća od građana, pravnih osoba i proračunskih korisnika, održavanje, pranje i čišćenje javnih površina, parkinga, pijaca, održavanje prohodnosti puteva u zimskom periodu, uklanjanje divljih deponija itd., jer te nabrojane komunalne usluge ne spadaju u domen fiksnih mreža struje, vode, plina i kanalizacije na koje javna preduzeća po Zakonu o javnim nabavkama Bosne i Hercegovine imaju neki prioritet, već se navedeni poslovi ustupaju ugovorom najpovoljnijim izvođačima, odabranim kroz proceduru javne nabavke po Zakonu o javnim nabavkama Bosne i Hercegovine.

Dalje se navodi da je J.P. KOMUNALNO, bez ikada provedene procedure zakonskog prenosa mjerodavnosti za sve komunalne djelatnosti, mimo tržišta preuzelo organizaciju i pružanje svih komunalnih usluga u Distriktu, i na taj način zlouporabilo svoj vladajući položaj u oblasti pružanja komunalnih usluga građanima Distrikta, te ugrozilo javni interes sa jedne strane, što je rezultiralo visokim cijenama komunalnih usluga koje plaćaju građani i oduzelo pravo Podnositeljima zahtjeva na ravnopravan tretman kada su u pitanju društvena i privatne pravne osobe.

Da J.P. KOMUNALNO ima naklonost i podršku od strane Zakonodavne i Izvršne vlasti Distrikta pri čemu su sve druge pravne osobe registrovane za komunalne djelatnosti isključena iz mogućnosti da ponude svoje usluge na mjerodavnom tržištu Brčko distrikta BiH, pa stoga smatraju da su na sceni zabranjeni sporazumi Zakonodavne i Izvršne vlasti sa Upravom i menadžmentom J.P. KOMUNALNO.

Da su od momenta registracije J.P. KOMUNALNO radnici Podnositelja zahtjeva ostali bez posla, a da im specijalne mašine propadaju zbog toga što su im Izvršne vlasti Brčko distrikta ne poštujući državni Zakon o javnim nabavkama oduzele mogućnost da ponude svoj rad i svoje usluge građanima Distrikta, čime su ozbiljno narušili konkurenciju u oblasti komunalnih usluga na prostoru Brčko Distrikta.

Sukladno izloženom, godopodarski subjekti KOMUNALIJE HRGOVČIĆ d.o.o. Brčko distrikt, d.o.o. ĆEHAJIĆ Brčko distrikt, OBNOVA B d.o.o. Brčko distrikt, GRADSKA ČISTOĆA d.o.o. Brčko distrikt i d.o.o. INTERMONT Brčko distrikt, Bosna i Hercegovina zahtjevaju od Konkurencijskog vijeća da pokrene postupak protiv J.P. KOMUNALNO radi utvrđivanja zabranjenog konkurencijskog djelovanja iz članka 4. stavka (1) Zakona.

Na temelju dostavljene dokumentacije Konkurencijsko vijeće je ocijenilo da nije moguće bez provedenog postupka utvrditi postojanje povrede Zakona na koje Podnosiocima zahtjeva ukazuju, te je odlučilo kao u dispozitivu ovog Zaključka.

Nakon provedenog postupka Konkurencijsko vijeće će donijeti konačno rješenje u skladu sa članlom 42. Zakona o konkurenciji.

PRAVNA POUKA

Protiv ovog Zaključka nije dopušten priziv. Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema istog.

Predsjednik

dr.Stjepo Pranjić

Dostaviti:

- **Podnosiocu zahtjeva**
- **u spis**
- **a/a**